

brio. Per una, dil zonzar dil capetanio di l'armata francese, e lo honori *etc.*; si consiglij; e presentarlo come par per quelle di XV; è andato via, non acade dir altro. *Item*, a quella di 9, zercha far comandamento a sier Francesco Zigogna, vengi *etc.*; dice se ritrova a Corfù, li farà intender el comandamento; dice era contra li delinquenti, per formar diligente processo, e poi administrar justicia contra cadaun, sia chi si voglia; ma hora obedirà *etc.* *Item*, a quella di X, dil mandar dil barzoto Morexini in colpho, et la licentia a sier Jacomo Venier, dice za havia deliberato far; e cussi farà dil barzoto, expedita quella impresa di la Cephalonìa; e dil Venier, quando vederà il tempo, lo manderà a disarmar, insieme con le altre galie grosse e sotil et nave, *excepto* le 4 galie grosse manderà a rata, *videlicet* el miglior. *Item*, per quelle di 17, dil cambio per Candia, per li vini *etc.*, za havia expedito la nave di sier Marco Zustignan in Candia, per far cargar li vini e formazi; e scritto a quel rezimento, li mandi 300 bote et 60 miera di formazo, trovando li danari a imprestado o a cambio, sì che presto harà ditto presente.

451 *Item*, el sopracomito di Chersso, hessendo amalato, e à pocho governo, e mancho praticia; e galioti, balestrieri, non si potevano domar; el qual ha renunciato la galia in le man di esso zeneral, e li à dato licentia, e posto sopracomito sier Beneto Trum, *quondam* sier Michiel; e dita galia è radrezata. *Item*, dice li rectori di Corphù ritien le letere V et X zorni, et contrastano con li patroni di gripi per un ducato; li à scritto in bona forma; voria la Signoria li scrivesse *etc.* In una poliza dice che, hessendo la zurma di la galia corfuata, quasi tuta amalata, sopracomito domino Olivier Morello, l' à mandata a disarmar, a ciò l'armada non se infecta de tale infirmità; la qual galia sempre ha fato star lontana di le altre; et che ni di le galie corphuate ni da le candiote se receve alcun servizio.

Die 7 novembris 1500.

Qui soto sarano li deputadi al campo contra el castello de la Cephalonìa. E prima

Provedadori del campo.

Sier Hironimo Contarini, provedador di l'armada, fo di sier Moixè.
Sier Jacomo Venier, capetanio di le galie grosse.

Provedadori a marina da basso.

Sier Hironimo Pixani, provedador di l'armada.
Sier Marco Orio, vice capetanio di le nave.
Item, Gurlim da Ravena, capetanio sopra le fantarie e provisionati.
Alvixe Muschatello, armiraglio sopra le zente di galie.

Maistri dil campo.

Sier Alvixe Salamon.
Sier Andrea Foscolo.

Sopra el dispensar le munition.

Sier Beneto Trum.
Sier Gabriel Soranzo.

Sopra le vituarie.

Sier Marco Tiepolo.
Sier Domenego Capello.

Sopra le biave per li stratioti.

Sier Francesco Pasqualigo.
Sier Alvixe da Canal.
Item, sier Polo Contarini, provedador, deputado sopra li stratioti.

Al condur su et zoso le artillarie.

Sier Francesco Arimondo.
Sier Anzolo Orio.

Al far far li repari.

Sier Andrea Bondimier.
Sier Silvestro Trum.

Quatro capi de colonello.

Sier Piero Trivixam.
Sier Hironimo Morexini.
Sier Sabastiam Moro.
Sier Daniel Pasqualigo.

Sopra i feridi.

El curzolam.
El tragurim.